



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlm XVIII. Cùm Berchtholdus &c.

---

[urn:nbn:de:hbz:466:1-62587](#)

interesse eius, qui appellat; denique adesse causam rationabilem appellandi: nam iure ordinario nemini conceditur appellatio, præter eos, inter quos causa acta fuit, cum itaque iste, cuius interest, iure speciali veniat, ostendere debet rationabilem subesse causam, sicut in simili *sup. int. Quod ad. 15. b. tit.*

Quod si verò vnum ex his desit, quia intra 10. dies is, cuius interest, appellare intermisit, vel causam rationabilem docere non potuit, tum distinguendum, num scivit, an ignorarit causam agi & sententiam latam esse; si ignorauit, certum est, quod ipsi nullo modo præiudicari debeat, quare sententia executioni mandanda non est, si is in possessione. v. g. subiectionis existat, quia præiudicium ei fieret, si possessio auferretur, id est, Clerici, qui hactenus obedientiam & fidelitatem Episcopo Ovetensi præstiterunt, nunc Auriensi Episcopo præstare juberentur. *arg. cap. Veniens. 38. juncta gl. verb. utraque pars. de testibus.* Sin autem scivit & tacuit, aut si intra tempus legitimum non appellauit, tunc executio fieri debet, salua tamen proprietatis questione, si causa ipsam in judicio petitorio deducere velit; nō enim obstabit ei res judicata, quia, quæ inter alios acta sunt, aliis non cere non debent, & haec est interpretatio *Gl. communiter recepta hic verb. non noceat. Ioan. Andr. n. 11. Imol. n. 2. vbi aiunt: quod in hoc casu præiudicium fiat quoad possessorum, non item quoad jus proprietatis, quamvis contrarium doceat hic Abb. n. 7.* neque quoad possessionem præiudicium fieri oportere, ideoque executionem etiam tali casu differendam esse: sed communis interpretatio aperte colligitur ex textu, quando dicitur: si Episcopus Ovetensis ob causam rationabilem & intra tempus legitimum appellauit, executionem sententiae differendam esse, ne Ecclesia eius circa possessionem detrimentum patiatur: alioquin (id est, si non intra legitimum tempus appellatum sit) executioni mandandam esse sententiam, tamen sine præiudicio Ecclesiae Ovetensis quo minus ipsa suas rationes & jura postea proponere possit.

Neque mirum videri debet, quod in hac causa subiectionis executio fiat, cum præjudicio possessionis, partim quia sibi imputare debet possessor, quod causam agi passus est, sententiam ferri, & in rem judicatam transire, partim quia possessio non nisi indirecè & per consequentiam ei auferetur, eo quod Ecclesia duobus subdita esse non posset, ac proinde dum vni Episcopo obedientiam præstare cogitur, alteri quodammodo subtrahitur.

## CAPITVLVM XVIII.

## Cùm Berchtholdus &amp;c.

## PARAPHRASIS.

Berchtholdus miles pagum suum P. militi hypothecæ nomine obligauit, mortuo P. hæres & nepos eius A. vacante Ecclesiâ eius loci D. Clericum præsentauit, alferens jus patronatus ad ipsum vñā cum bonorum universitate transisse, ea propter Archidiaconus dictum D. ex Episcopi consensu instituit, inducens ipsum in possessionem corporalem, sed & Bertholdus fundi Dominus Sacerdotem T. Episcopo præsentauit, qui tamen eum non admisit; quapropter dictus T. item mouit D. coram Remensi Episcopo Apostolicæ Sedis Legato, qui illam Indicibus quibusdam delegauit eam formâ, vt causam examinatam & instructam ad ipsum remitterent; sed cùm D. Clericus cum attestacionibus suis adveniret. T. autem nec per se, nec per Procuratorem ad constitutum ipsi terminum compareret, Archiepiscopus inspectis dicti Clerici attestacionibus, cum ab imputatione Sacerdotis judicialiter absoluit, eidem silentium super Ecclesia memorata indicens, postea verò idem T. ad Archiepiscopum intra breve tempus accedens, justam absentiae causam allegauit. Tunc Archiepiscopus Argentino electo Episcopo, & quibusdam aliis per literas mandauit, vt si justam coram eis absentiæ causam ostenderit, priorem sententiam nullius roboris esse

esse declarant, causamque ipsi definiant, alioquin verò faciant sententiam illam obseruari. Verùm delegati illi Iudices vices suas aliis commiserunt seu subdelegarunt, qui cùm testes super illo articulo receperissent, ab eis Clericus D. ad Pontificem appellauit. Porro tametsi T. Sacerdos absentiae suæ causam minus sufficienter in auditorio Papæ probárit, tamen ne opinio veritati præiudicet,

Resp. Diaconum Cardinalem causæ ipsius principalis dedit auditorem, qui cùm Papæ omnia retulisset ex tenore sententiaz, perspexit Innoc. III. Archiepiscopum fuisse circumventum, partim quia in ea continebatur, quòd per attestations Clerici sufficienter probatum fuisset supradictum A. in possessione juris patronatus fuisse, quando eundem Clericum ad Ecclesiam praesentauit, cùm tamen per attestations illas aliud probatum non sit, nisi quòd B. & A. ratione cuiusdam juris, ob quod ex Ecclesia illa patronis aliquid prestat, solet, annuatim 10. solidos acceperint, partim quia in eadem sententia continebatur, quòd dictus T. in probatione defecerit, & tamen ex attestationsibus apparebat intentionem suam ipsum satis probasse: partim quia Archiepiscopus causam non sufficienter instructam recepit, quandoquidem viuis tantum partis attestations accepit, quæ parum ad rem faciebant, ea propter Pontifex dicta sententiam retractat, & T. Sacerdoti Ecclesiam adiudicat, quia ex attestationsibus evidenter constituit, ipsum à vero Patrone ad Ecclesiam illā praesentatum fuisse.

## SYMMARIVM.

1. Post factam beneficij collationem proutus induci debet in corporalem eius possessionem.
2. Potest tamen possessio beneficij solo verbo fieri in presentia eius, modò nemo aliis possideat.
3. Refertur casus in quo etiam in absentia rei possessio eius tradi possit.
4. Cum universitate bonorum v. g. Castro

cum pertinentibus, Creditori concessa in pignus, non transit in eum jus patronatus.

5. In possessione juris patronatus non constituitur ex eo, quòd percipiat annuam possessionem, qua patrono dari solet iuxta fundationis tenorem.
6. Postquam sententia in absentia partis lata in rem judicatam transit, pars adveniens non auditur, nisi legitimam absentia sua causam probauerit, tunc sententia retractari debet.

**N**ot. I. Post factam beneficij collationem proutus induci debet in corporalem eius possessionem, nam per collationem aut institutionem titulus confertur, non possessio, prout etiam docui in disp. de electione. q. 11. 4. Potest tamen possessio beneficij, v. g. Parochia solo verbo fieri in praesentia eius, dummodò nemo aliis in possessione sit. **argumento.** 1. *Quod meo.* 18. §. *Si venditorem.* ff. *de acquirenda possessione.* vbi dicitur: si vicinum mihi fundum vendor in mea turri demonstret, vacuamque se possessionem tradere dicat, non minus possidere ceipi, quam si pedem finibus intulisse.

Imò probabile est, quod etiam in absencia rei possessio eius tradi possit, si hæc tria concurrant. 1. Ut nemo aliis in possessione sit. 2. Ut ob impedimentum aliquod v. g. aduersarii vires, ad rem accedi non possit. 3. Ut, qui possessionem ita tradit, rei dominus sit, aut liberam de ea disponendi facultatem obtinens. v. g. collator Ordinarius de beneficio ut dixi in c. *Cum aliquibus.* 6. hoc sit.

**Not. II.** Si Iudex causam instructam mittat ad superiorem, potest parti utriusque statuere terminum competentem, intra quem comparere debeant, & ut sufficienter causa instructa censeatur, non viuis, sed utriusque partis attestations consignatae mitti debent, consentit e. vlt. *de accusationibus.*

**Not. III.** Si universitas bonorum v. g. 4 Ciuitas aut Castrum cum pertinentibus, cui jus patronatus annexū est, in pignus seu hypothecæ nomine creditori detur, non transit in eum jus patronatus, ita ut suo jure aut nomi-

PPP

nomine præsentationem facere possit, ita  
text. cap. juncta gl. verb. patronus. Ratio dari  
debet, quia si jus patronatū hoc casu transfi-  
ret ad Creditorem, tunc per accidens seu  
accessoriè transfiret vna cum ciuitate aliena-  
ta, seu translata. argum. c. Ex literis. 7. c.  
*Cum seculum. 13. de jure patronatū.* At ve-  
rò per pignoris constitutionem res tradita-  
non alienatur, aut transfertur quoad domi-  
nium vtile, cùm creditor fructus pignoris in  
sortem computare debeat, ideoque eorum  
percipiendorum jus non habeat. c. 1. de usu-  
ris. At verò is, cui ad tempus non breve v-  
niuersitas bonorum v. g. castrum cum an-  
nexis bonis locatur, is dominium vtile ac-  
quirere censemur, consequenter alienatio  
quædam fit, quacum etiam jus patronatū  
accessoriè transfertur, vti docui l. 4. tract. 2.  
c. 13. n. 21.

Exinde porrò videtur sequi, si quis per  
contraetum non merè antichriseos, sed ad-  
iecto contraetu censuali, aut venditionis  
cum pacto redimendi ciuitatem. v. g. oppi-  
gnoratam sibi habeat, ita fructus percipere  
possit, adeoque dominium vtile penes cre-  
ditem sit, donec pignus reluat, juxta ea,  
quæ docui l. 3. tract. 4. de Just. c. 16. hoc  
casu jus patronatū transfire ad creditorem,  
vt proinde ipsi præsentatio, sicuti & alia jura,  
interim competant, cùm penes ipsum est ci-  
uitatis possessio per modum hypothecæ.

**f** Notand. IV. Exeo, quod aliquis pen-  
sionem annuam percipit, quæ patrono dari  
solet juxta fundationis tenorem c. Verum.  
*de conditionibus appositis:* non constituitur in  
possessione juris patronatū, ita habetur in  
textu. Ratio est, quia fieri potest, vt pensio-  
nem percipiat non tanquam patronus, sed  
ex alio titulo, videlicet non suo nomine, sed  
alieno tanquam ex hypotheca, ideoque pen-  
siones in rationem acceptæ sortis computa-  
re debeat, vel quia ipsi pensio fructuum lo-  
cata, aut donata fuit sine jure ac titulo, in  
quo fundatur. Nam sic Parochus. v. g. ad  
aliquot annos, aut vitam suam decimas ali-  
cui locare potest, quamvis jus parochiale,  
cuius ratione decimæ percipiuntur, in alte-  
rum transferre haud possit.

Neque his obstat c. Cùm venisset. 9. dere-  
bit. foliorum. vbi significatur, quod per  
receptionem pensionis ex Ecclesia possessio  
eius acquiratur, quia id duntaxat verum est,  
si alicui pensio debeatur, tanquam jus ha-  
benti in Ecclesia, vti appareat ex cit. cap. Qua-  
re & nos fatemur, si alicui pensio ratione  
fundationis debita tanquam Patrono solua-  
tur, quod in possessione juris patronatū per  
id constituatur, tametsi fortassis nunquam  
præsentauerit, neque alium actum patroni  
proprium exercuerit, nam sicuti in corpora-  
libus rebus ad possessionem totius fundi ac-  
quirendam sufficit vnam eius partem ingre-  
di animo capiendi totum l. 3. in princip. ff. de  
acquirenda possessione. Ita etiam in rebus in-  
corporalibus seu juribus satis est vnum eo-  
rum actum exercere animo capiendi seu  
possidendi jus integrum argumento. l. Vna  
est. 18. ff. de servitutibus prediorum Rustico-  
rum.

Veldici potest cum Abbate. hic. n. 87. id-  
eò creditore in propter pensionis solutionem  
non suffit possum in possessione juris pa-  
tronatū, quia alius erat in possessione, quem-  
admodum nec colonus alteri soluendo  
pensionem sine scientia & voluntate domi-  
ni priuateum possessione, argum. l. Quam-  
nis. 46. ff. de acquirenda possessione. vbi dicitur:  
tametsi alius animo possidendi inge-  
sus fuerit saltum, tamen priorem possessorē  
non amittere possessionem, quam diu eam  
ab altero occupatam ignorat.

Not. V. Si post litis contestationem in  
absentia alterius partis sententia lata sit, quæ  
in rem judicatam post 10. dies transierit, &  
deinde pars adveniat, audiri amplius non  
debet, nisi justam absentiae causam sufficie-  
nter demonstraret, hoc verò casu sententia re-  
scindi debet, seu perinde haberi, ac si sen-  
tentia lata non sit, iuxta l. Quesitum. 60. ff. de  
rejudicata: Vbi dicitur: si rei judicata tem-  
pore alter ex litigatoribus febrem habuit,  
res non videtur judicata, sin autem impedimentum  
justum sufficieret non probetur, tunc ait Abb. hic. n. 35. sententiam non sta-  
tim retractari, tamen allegantem impedi-  
men-

mentum admetti, ut infirmet sententiam, seu agat contra sententiam.

Verum hoc generaliter verum esse non videtur, arg. c. Ex literis. 4. de in integrū restit. vbi habetur: quod restitutio contra sententiam, si causa justa absentia sufficienter probata non sit, in causa matrimonij concedenda sit, ob specialem favorem eius, qui in aliis causis non ita concedi debet, præterquam si insuper præsumptio aliqua sit adversus sententiam, vt in casu huius Capituli, quando attestations vnius tantum partis receptae fuerunt, & quædam in sententia continebantur, quæ aliter se habere constabat, ita gl. hic. verb. minus. Alex. n. 76.

## CAPITVLVM XIX.

## In causis &amp;c.

## PARAPHRASIS.

Pontifex in decidendis causis Iuris ordinem & æquitatis vigorem exactè obseruare debet, quia cæteri postea Iudices in causis similibus similiter judicare debent, præterquam si Pontifex considerata necessitate vel utilitate dispensatiuè aliquid decernendum duxit.

## SUMMARIUM.

1. Papa in sententiis ferendis juris ordinem seruare debet, ex jure quidem honestate tantum illum, qui est ex jure positivo; ex necessitate autem, qui est ex jure naturali & gentium.
2. Sententia lata à Principe ius facit alii iudicibus inferioribus, ut ipsi in causis similibus similiter judicare debeat.
3. Adducuntur limitationes huius doctrinae.
4. Inferioris iudicis sententia judicialis non est in similibus causarum decisione pro legge communis habenda.
5. Eatamen frequentata in tribunali parit ius consuetudinarium, seu stylum curiae, verum non semper & saepe non tam facile.

**N**O. I. Summus Pontifex in sententiis ferendis juris ordinem seruare de-

bet, est tamen distinguendum, quod juris ordo partim est ex jure positivo, ut quod libellus scriptus offeratur, litis contestatio fiat &c. Et talem ordinem juris Princeps seruat ex honestate, non ex necessitate, quia Princeps eiusmodi legibus non est obligatus, cum per plenitudinem potestatis etiam possit super ius dispensare. Ait Innoc. III. in cap. Proposit. 4. de concess. præbend. & Innoc. IV. in c. 1. de litis contest. ait: quod coram Papa sufficit partium narrationes fieri sine petitione & litis contestatione, quia præsentia Papæ supplet has solennitates. Cap. 1. de transactionibus; partim vero iuris ordo est ex jure naturali ac gentium, ut quod pars citetur ac defensio eius admittatur (nisi notarium sit, defensionem nullam competere.) Clem. 2. hoc tit. l. de unoquoque. 47. ff. de eodem. Talia enim Princeps tollere non potest, sicuti notat Gloss. & Bald. in l. vlt. n. 1. C. de legibus, vbi distinguendo ait: coram Principe requiritur examinatio & ventilatio veritatis, quæ est de jure gentium, unde licet solennitates legales non teneantur Princeps obseruare, obseruatio tamen juris gentium non debet abesse, quia pertinet ad naturalem æquitatem.

Not. II. Sententia lata à Principe ius facit alii Iudicibus inferioribus, ita ut ipsi in causis similibus similiter judicare debeat, sumptum est ex cit. l. vlt. vbi habetur: Si Imperator examinata causa & partibus presentibus sententiam dixerit, omnes Iudices, qui sub imperio sunt, sciant hanc esse legem non solum illi cause, pro qua producta est, sed & omnibus similibus, contentit l. 1. C. do constit. Principum. Quod Principi placuit legis habet vigorem.

Excipiendum est 1. Si Princeps dispensatiuè aut ex plenitudine potestatis, præter, aut contra ius commune judicauit, ad alios causas similes id extendi non debet, ut hic dicitur, & videri possunt, quæ docui l. 1. tr. 4. cap. 18.

Excipiendum 2. Si princeps adversus contumacem dixit sententiam, ea ius inter alios Iudices facere non videtur. arg. cit. l. vlt. vbi partium præsentia requiritur, & tradit